



Här Fernand ETGEN
President vun der
Deputéiertechamber
19, um Krautmaart
1728 Lëtzebuerg

Lëtzebuerg, den 3te Februar 2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Premierminister weiderzeleeden.

De 24te Januar 2020 huet de Sonnerbeoptraagte vum Premierminister säi Rapport iwwert de groussherzoglechen Haff deposéiert. Am Rapport gouf nieft der Finanzgestioun nämlech och d'Organisatioun vum Haff an dorënner d'Roll vun der d'Grande-Duchesse ënnert d'Lupp geholl. Hei schreift de Rapporteur:

(1) „[...] le rôle de la Grande-Duchesse qui exerce une fonction purement représentative ne devrait pas être un sujet de discussion.“ (Säit 30)

(2) „Notre Constitution ne prévoit pas de fonctions officielles pour l'épouse du Grand-Duc. Dès lors, c'est le Grand-Duc, Chef de l'Etat, qui devrait seul figurer dans l'organigramme de la Cour.“

(Säit 32 vum Rapport)

D'Fro vun der Roll vum Partner vum Grand-Duc ass allerdéngs net nëmme beim groussherzoglechen Haff vun Interessi, mee generell bei alle Partnere vu staatleche Volléksvertrieder. Den Deontologieskodex vun der Regierung gesäit zum Beispill keng Reegele fir de Partner vun engem Minister vir, wann dësen de Minister an offizieller Missioun – zum Beispill op Auslandsreesen – begleet.



www.piraten.lu

An deem Zesummenhang wéilt ech dem Premierminister dës Froe stellen:

1. Wéi ass d'Roll vum Partner vu Regierungsmemberen zu Lëtzebuerg gereegelt?
2. Am Fall wou Regierungsmemberen hire Partner op eng offiziell Rees mathuelen, wien bezilt d'Käschten, déi op dëser Rees fir dës Persoun ufalen (zum Beispill den Hotel, Restauranten, etc.)? Wéi eng Reegele gëlle generell fir d'Partner vu Regierungsmembere bei offizielle Reesen?
3. Falls keng offiziell Reegelen iwuer d'Roll vum Partner existéieren, ass de Premierminister der Opfaassung, dass d'Opstelle vun engem normative Kader zu méi Kloerheet an Transparenz bäidroen géif? Wäert d'Regierung heizou eppes ausschaffen a falls jo, bis wéini?

Mat déiwem Respekt,



Marc GOERGEN

Députéierten



www.piraten.lu



LE GOUVERNEMENT
DU GRAND-DUCHÉ DE LUXEMBOURG
Ministère d'État

Luxembourg, le 05 MARS 2020



Monsieur
Marc HANSEN
Ministre aux Relations avec le Parlement
LUXEMBOURG

Objet: Réponse de Monsieur le Premier Ministre, Ministre d'État à la question parlementaire n°1818 posée par l'honorable Député Monsieur Marc GOERGEN au sujet du rôle du partenaire d'un membre du Gouvernement.

Monsieur le Ministre,

J'ai l'honneur de vous faire parvenir en annexe la réponse à la question parlementaire n°1818 du 3 février 2020 de Monsieur le Député Marc GOERGEN.

Veuillez agréer, Monsieur le Ministre, l'expression de ma haute considération.

Le Premier Ministre

Ministre d'État

**Réponse de Monsieur le Premier Ministre, Ministre d'État à la question parlementaire n°1818
de Monsieur le Député Marc GOERGEN**

D'Roll vum Partner vu Regierungsmemberen ass net schrëftlech gereegelt.

Wann d'Partner vu Regierungsmemberen op offiziellen Déplacementer vun deem Staat oder där Organisatioun, déi d'Invitatioun lancéiert hunn, mat invitéiert ginn a fir si dann och eng Roll am offizielle Programm virgesinn ass, an si déi Invitatioun unhuelen, kann de Staat d'Rees-, d'Iwwernuechtungs- an d'lesskäschten iwwehuelen, well si dann den Agente vum Staat assimiléiert ginn. Dëst ass net de Fall, wann dee Staat oder déi Organisatioun, déi d'Invitatioun lancéiert hunn, selwer fir déi Käschten opkommen. Dëst ass och net de Fall wann e Partner e Regierungsmember op privater Basis fir en Déplacement begleet.

D'Regierung gesäit aktuell keng Ursaach, fir déi genannte Praxis z'änneren.